

MAKLUMAT UNTUK MEDIA
MAJLIS ANUGERAH PERSURATAN 2017
28 OKTOBER 2017
BALLROOM, HOTEL FOUR SEASONS

1. Anugerah Persuratan 2017

Majlis Bahasa Melayu Singapura menganjurkan Anugerah Persuratan 2017 (AP2017). Anugerah Persuratan merupakan usaha berterusan Majlis Bahasa Melayu Singapura (MBMS) dalam mengiktiraf para penulis yang bergiat dalam seni persuratan. Majlis Bahasa Melayu Singapura telah menganjurkan acara dwitahunan ini sejak tahun 1993. Tahun ini, seramai 19 penulis/tokoh menerima hadiah persuratan. Majlis tahun ini diadakan pada 28 Oktober 2017 (Sabtu) di Ballroom, Hotel Four Seasons.

Penilaian AP2017 pada dasarnya ditujukan pada teks atau karya asli yang berbahasa Melayu. Karya berkenaan dihasilkan oleh warganegara Singapura yang diterbitkan pada tahun 2015 dan 2016, sama ada di Singapura atau di luar negara. Penerbitan bentuk buku harus memiliki izin terbit ISBN untuk menentukan kesahihannya.

Jawatankuasa AP2017 telah membentuk kumpulan panel penilai bagi menilai karya-karya sepanjang tahun penilaian dan sekumpulan lagi penilai yang terdiri daripada anggota Majlis Bahasa Melayu Singapura untuk menentukan penerima Anugerah Tun Seri Lanang, Anumerta Tun Seri Lanang dan Anugerah Harapan

Prof Madya Muhammad Faishal Ibrahim, Pengerusi Majlis Bahasa Melayu Singapura, mengatakan bahawa:

“Tahniah saya ucapkan kepada semua penerima Anugerah Persuratan tahun ini. Bidang Persuratan dan kesusasteraan penting dalam pembentukan modal budaya sesebuah negara dan merupakan aset sosial sesebuah masyarakat. Oleh itu, Majlis Bahasa Melayu Singapura (MBMS) telah secara berterusan menganjurkan Anugerah Persuratan sejak tahun 1993. Acara dwitahunan ini adalah sebahagian usaha MBMS terus mengiktiraf para penulis setempat yang membuat sumbangan dalam bidang ini yang sekaligus mengukuhkan modal budaya negara kita.”

Prof Madya Hadijah Rahmat, Pengerusi Anugerah Persuratan pula menambah:

“Alhamdulillah, Anugerah Persuratan menjadi nadi utama untuk mengiktiraf mutu karya dan sumbangan penulis dalam dunia persuratan Melayu di Singapura. Tahniah dan syabas diucapkan kepada para penerima anugerah tahun ini. Semoga usaha kami ini akan menjadi pendorong untuk gigih berkarya, berbakti, dan menajamkan mutu pena sehingga mendapat pengiktirafan dunia pula.”

Tahun ini juga, MBMS mengenalkan kategori baharu – Sastera Kanak-kanak. Ini merupakan satu inisiatif untuk menggalakkan penerbitan buku-buku sastera yang berkualiti untuk kanak-kanak. Buku kanak-kanak berkualiti penting untuk memupuk minat membaca dalam kalangan kanak-kanak dan menjadi satu kegiatan bersama ibu bapa. Buku-buku yang baik dapat digunakan untuk membina kemahiran berkomunikasi dan menanam nilai budaya.

Encik Ong Ye Kung, Menteri Pendidikan (Pengajian Tinggi dan Kemahiran) dan Menteri Kedua Pertahanan mengatakan:

“Anugerah Persuratan tahun ini mengenalkan satu kategori baharu – Kategori Sastera Kanak-kanak. Kita percaya akan pentingnya buku-buku yang berkualiti untuk menyuntik minat membaca dalam kalangan kanak-kanak dan ibu bapa mereka membaca bersama mereka. Dengan kategori baharu ini, kami berharap para penulis dan penerbit akan lebih aktif dan meneruskan usaha mereka bergerak kembang ke luar lingkungan sedia ada untuk membina sastera kanak-kanak yang bermutu tinggi, terutama sekali sastera Singapura.”

2. Objektif Anugerah Persuratan

- I. Memberi pengiktirafan kepada para penulis yang telah menghasilkan karya yang bermutu dan bernilai;
- II. Meningkatkan dan memupuk perkembangan penulisan dalam kalangan penulis berbahasa Melayu;
- III. Menggalakkan penerbitan karya yang bermutu; dan
- IV. Memasyarakatkan bidang persuratan.

3. Anugerah-anugerah yang akan diberikan

I. Anugerah Tun Seri Lanang

Anugerah Tun Seri Lanang (yang bernilai \$5,000) diperuntukkan kepada seorang tokoh persuratan sama ada:

- Tokoh seni yang ulung pada mata masyarakat berbilang bangsa dan budaya Singapura
- Tokoh antarabangsa melalui pengiktirafan karya besar mereka
- Pejuang seni dalam erti kata menggunakan sebahagian besar usia dan kehidupan mereka untuk menyubur dan menyemarakkan bidang yang dihayati; atau
- Penyumbang dan pemaju pemikiran masyarakat dalam konteks pembangunan melalui karya mereka (dalam bentuk kreatif atau nonkreatif)
- Tokoh model belajar sepanjang hayat yang terus berusaha meningkatkan ilmu dalam bidang persuratan

Nota: Geran sejumlah \$5,000 diberikan kepada sesiapa yang ingin mengkaji ketokohan, keiltizaman, sumbangan, pemikiran, dan alam penulisan tokoh yang terpilih.

Penerima Anugerah Tun Seri Lanang Anugerah Persuratan 2017 ialah Cik Rasiah Halil.

II. Anumerta Tun Seri Lanang

Anumerta Tun Seri Lanang diberikan kepada tokoh persuratan yang telah meninggal dunia untuk mengiktiraf sumbangan tokoh tersebut kepada dunia persuratan. Keluarga Anumerta Tun Seri Lanang menerima sumbangan \$2,000.

Almarhum Mohamed Naim Daipi telah dipilih sebagai tokoh Anumerta Tun Seri Lanang pada tahun ini.

III. Anugerah Harapan

Anugerah Harapan diberikan kepada penulis di bawah usia 40 tahun. Penerima Anugerah Harapan menerima \$3,000. Untuk dipertimbangkan menjadi penerima Anugerah Harapan, seseorang itu haruslah menampakkan potensi dalam bidang persuratan sama ada secara:

- Memainkan teraju utama kepada usaha-usaha menggerakkan bidang persuratan; baik cerpen, sajak, novel, drama, nonsastera dan sebagainya,
- Menggunakan masa untuk berkongsi ilmu dan kemahirannya dalam bidang persuratan kepada golongan muda / pelajar-pelajar atau
- Menghasilkan karya yang memberikan sumbangan dalam penulisan kreatif dan nonkreatif sama ada dalam bentuk media bercetak atau elektronik untuk memajukan pemikiran masyarakat.

Encik Muhamad Farihan Bahron ialah penerima Anugerah Harapan tahun 2017.

IV. Anugerah Khas

Anugerah Khas diberikan kepada para penulis yang telah menyumbang kepada pembangunan sastera dan Bahasa Melayu di Singapura. Penerimaannya merupakan tokoh yang telah menyumbangkan tulisan dalam bentuk ilmiah dan juga mengembangkan penggunaan bahasa dan sastera Melayu.

Tiada penerima Anugerah Khas pada tahun ini.

V. Anugerah Persuratan

Senarai para penerima Anugerah Persuratan 2017 (hanya boleh diumumkan selepas 28 Oktober 2017, 4.00 petang) terdapat dalam Lampiran A.

SENARAI PARA PENERIMA ANUGERAH PERSURATAN 2017

ANUGERAH	PENERIMA
ANUGERAH TUN SERI LANANG	CIK RASIAH HALIL
ANUMERTA TUN SERI LANANG	ALMARHUM MOHAMED NAIM DAUPI
ANUGERAH HARAPAN	ENCIK FARIHAN BAHRON

Anugerah	Pemenang	Kategori	Karya
Hadiah Persuratan	Faridah Taib	Sajak (Eceran)	Sepi Nostalgia Keretapi Tanah Melayu Stesen Tanjung Pagar
Hadiah Persuratan	Rafaat Haji Hamzah	Sajak (Eceran)	Di Bawah Sifar
Hadiah Persuratan	Rahmad Bin Sidek	Sajak (Eceran)	Bhai
Hadiah Persuratan	Hamed Ismail, Hartinah Ahmad dan Samsudin Said	Sajak (Buku)	Antologi Puisi: Tafsiran Tiga Alam
Hadiah Penghargaan	Jamal Ismail	Cerpen (Eceran)	Pemburu Barakah
Hadiah Penghargaan	Amanah Mustafi	Cerpen (Eceran)	Nyaropot
Hadiah Persuratan	Hamed Ismail	Drama (Eceran)	Bunga Tanjong
Hadiah Persuratan	Anwar Hadi Bin Ramli	Drama (Eceran)	<i>The (Assumed) Vicious Cycle of a (Melayu) Youth</i>
Hadiah Persuratan	Aidli Mohamed Salleh, Mosbit	Drama (Buku)	Chantek
Hadiah Persuratan	Jamal Ismail	Esei/Kritikan Sastera (Eceran)	Karya Sastera Penulis Singapura Tidak Layak ke TV?
Hadiah Persuratan	Mohamed Pitchay Gani Bin Mohamed Abdul Aziz dan Azhar Ibrahim Alwee	Esei/Kritikan Sastera (Buku)	Di Sebalik Tabir Masuri S.N.
Hadiah Persuratan	Othman Bin Salam	Esei/Kritikan Bukan Sastera (Eceran)	Membudayakan Penjodoh Bilangan
Hadiah Persuratan	Yazid Hussein	Esei/Kritikan Bukan Sastera (Eceran)	Citra Singapura dalam Lagu

Hadiah Penghargaan	Mustazah Bahari dan Muhammad Haniff Hassan	Esei/Kritikan Bukan Sastera (Buku)	100 Soal Jawab agama: Isu-isu Kontemporari & Pendekatan Wasatyi
Hadiah Persuratan	Amanah Mustafi	Sastera Kanak-Kanak	Anak Ayam Bermain Dalam Hujan
Hadiah Persuratan	Rilla Melati Bahri	Sastera Kanak-Kanak	Payung Datuk Adil

Untuk maklumat lanjut sila hubungi:

Juffri Supa'at
 Setiausaha AP2017
 Hp: 9138 9845
 E-mel: Juffri_SUPAAT@nlb.gov.sg

Encik Tajudin Jaffar
 Setiausaha, Majlis Bahasa Melayu Singapura
 Hp: 9697 1064
 E-mel: tajudin_jaffar@moe.gov.sg

Firda Maisarah Mohd Raffid
 Urus setia
 Hp: 9117 4604
 E-mel: anugerahpersuratan@nac.gov.sg

Anjuran:



Disokong oleh:

